

LA

# REMONSTRANCE

DE PIERRE DV PVIS

SVR LE RESVEIL

de Maistre Guillaume.

*Avec ma iacquette grise  
Plusieurs lourdants ie mesprise.*



Touxte la copie imprimée à Paris, par  
Pierre Bardin, au Palais, en la petite  
montee pour aller en la  
grande Salle.

M. DC. XIII.

REMONSTRANCE

DE PIERRE DU PAYS


Case 352

F

39

326

1614 Aug



THE NEW YORK

LIBRARY

M. D. C. VIII



LA REMONSTRANCE  
de Pierre Dupuis sur le refueil de  
Maistre Guillaume.

**E** m'estonne , Maistre  
Guillaume , comment  
Morphee t'a permis de  
t'esueiller du sommeil de ton re-  
pos pour donner lumiere à ton  
ignorance , certes ie croyois que ce  
refueil fut quelque habit de Pro-  
phetie qui reuestit les nuditez  
des affaires de ce temps : mais lors  
que la premiere porte de mon in-  
telligence a esté ouuerte , iamais  
la boüette de Pandore n'y fit œu-  
re là , tant ton asnerie a esté ma-



nifestee: hé! pauure fol maistre Guil-  
 laume, à qui en as-tu contre ce pau-  
 ure faux Prophete qui n'a sçeu pro-  
 phetiser son infortune, n'auois-tu  
 point d'autre suiet que celuy-là  
 pour faire rire à gorge desployee  
 ceux qui n'en ont point d'en-  
 uie quand à present, ouy, tu en  
 auois assez: Mais quoy? vne vieil-  
 lerosse ne peut pas estre vn genez  
 d'Espagne, ny vn butor vn esper-  
 uier: c'est pourquoy ie t'excuse vn  
 peu, sçachant bien que toy ny moy  
 ne sommes pas suffisans & capables  
 pour parler pertinemment des af-  
 faires del'Estat, il se faudroit leuer  
 de meilleure heure sans attendre  
 que le carillon de la cuisine donast  
 l'alarme à ton resueil: toutesfois ba-  
 ste pour ceste fois, j'espere que tu  
 feras plus aduisé vn autre voyage.



quant à moy quelque bruit qui  
 coure, ie n'en ay iamais voulu par-  
 ler: si le monde est fol i'en suis con-  
 tent, s'il se tuë, ie n'empesche, & si  
 pourtant ie n'oublieray point ma  
 premiere leçon, qui est de crier Vi-  
 ue le Roy. Il y a long temps que M.  
 G. bourdonne alentour de mes o-  
 reilles, tantost Maistre Guillaume  
 en Court, tantost au Royaume  
 des Taupes, tantost de retour de  
 l'autre monde, tantost d'une fa-  
 çon, tantost de l'autre, se meslant  
 tousiours de ce qu'il n'a que faire:  
 Mais moy, ie m'entretiens tous-  
 iours en ma premiere qualité, ie  
 n'enuie point le bien d'autrui,  
 pourueu qu'un douzain soit im-  
 matriculé dans ma gibeciere, au  
 diable si ie me soucie du reste.

Passons plus outre M.G. & voyõs

vn peu quelles sont tes raisons pour te faire organiser & timpaniser deuant le Palais, quand à moy ie n'en trouue aucune au discours de ton refueil, car quiconque desire pauoter le soucy, comme tu dis, faut qu'il face pourmener sa viziere non sur des tablatures de reuolutions, non sur des couionneries de Iacquemards & Gueridons, mais sur des paroles découfuës dont chacun puisse auoir part. Je te iure que ce n'est plus toy, en cecy tu es côme la Corneille d'Horace qui se pare du bié d'autrui: Car celuy qui se disoit du viuant du grand Henry M. G. auoit la moustache mieux fourbie que la tienne, & si ce qu'il disoit estoit tellement enuironné de griblettes, d'excuses & d'exceptions, que l'on ne pouuoit luy rien

reprocher, sinon qu'il mordoit en  
 riant: le Soldat François en sçauroit  
 bien que dire si on luy demandoit,  
 que dittes vous de Maistre Guil-  
 laume, & moy aussi qui ne manque  
 nō plus d'entēdement, qu'un finge  
 de queue, ie sçay bien ce qu'il m'en  
 semble. Ne t'amuse donc plus à ca-  
 queter de la façon pauvre M. G. de  
 nouvelle impression, ou du moins  
 si tu veux que ta langue s'exerce, at-  
 tends que j'aye fait mon opera-  
 tiō, ie l'employeray pour mon ser-  
 uice. Ce n'est pas peu que de me ser-  
 uir, c'est beaucoup d'honneur que  
 l'on recoit, dispose toy donc si bon  
 te semble à te ranger au giron de  
 ton deuoir, il vaut mieux obeir  
 quelquefois aux commandemens  
 d'un pied plat de payfan comme  
moy pour froter son pain d'une

coisne de lard , que de suivre vn  
Gentil-homme , qui plus souuent  
apres auoir chassé la vache & l'oison  
ne fait repaistre ses valets que de  
Chimeres.

Aduise, songe, rumine, qui choi-  
sit prend quelquefois le pire, & si  
pour auoir esté deceu de la façon  
l'on ne peut estre releué. Quand à  
moy ie prens plus de plaisir d'ouyr  
crier parmy ceste ville de Paris Sa-  
blon d'Estampes, & fagots secs, &  
voir la marmitte boüillir, que de  
courre la campagne pour gagner  
du grain dont la mesure est à discre-  
tion. Là dessus, Maistre Guillaume,  
tu me diras, Monsieur Pierre Du-  
puis, vos raisons sont belles & bon-  
nes, vous auez l'esprit releué iuf-  
ques en l'antichambre du troisieme  
degré de la Lune, certes vous me-  
ritez



ritez d'estre seruy & obey, mais ce n'est pas tout, car encores que tu viennes ainsi à resipiscence, si est-ce que ie veux & entends que ma iacquette te serue d'estendart pour crier en toute seureté, Viue le Roy comme ie fais.

Viens donc me seruir, mon pauvre falot de Maistre Guillaume, viens rendre preuue & tesmoignage de ton deuoir, mes liurées t'honoreront beaucoup & te seront bien profitables, & ie m'assure que quand tu auras endossé le harnois de mon intelligence, que tu seras incontinent capable de ieter de la poudre aux yeux de nos ennemis, & de te dire vray & legitime François.

Ce n'est pas tout Maistre Guillaume, depuis ton resueil à la mal-

heure, ie ne ſçay quel diable de  
 bruit i'ay entendu, il me ſemble  
 que c'eſt quaſi des mouſches à miel  
 qui bourdonnent, n'eſtoit que le  
 bruit eſt vn peu plus impetueux, ce-  
 la me faſche & m'importune, &  
 non pas moy ſeulement, mais les  
 diſciples d'Apelles qui prennent  
 tant de peine tous les iours à me re-  
 leuer la mouſtache en boſſe: Ces  
 gens là, ſi le bruit qui court conti-  
 nuë, auront les iouës bien plattes &  
 le nez bié camus, & ſi les effets s'en  
 enſuiuent, on peut bien dire adieu  
 la voïcture pour les Charlatans:  
 Quand à Meſſieurs les Aduocats,  
 ſurſeance de griefs, aux Procureurs,  
 trefue de bonadiez par la Nobleſſe,  
 & du reſte, par ma foy ie ne ſçay ce  
 qu'il en ſera, pour moy ie ne me  
ſoucie ny des rez ny des tondus,

pourueu que ie voye le Roy en  
 bõefanté en ma parroisse de saint  
 Germain de Lauxerrois & la Royne  
 sa mere florissante en son sage con-  
 seil, ie sçay bien que ie disneray  
 tousiours. Prends garde à toy Mai-  
 stre Guillaume, & songe aussi bien  
 de tó costé à deuenir sage, comme  
 ie fais du mien, il vaut mieux tard  
 que iamais, qui a perdu son cheual  
 & qui en retient la queue, n'a pas  
 encores tout perdu. Pour le moins  
 ie tiens de longue main ceste maxi-  
 me, & qui plus est, elle m'a esté con-  
 firmee depuis peu de temps en ça,  
 par des gens qui sont autant habi-  
 les à tefaire gagner la verole, que  
 tu sçauois estre discret si tu me ser-  
 uois de plaisant à mon ordinaire.  
 Hé quoy? encores que ie sois vestu  
 de gris, & que ie ne me soucie point



de me reuolter: crois tu que maiacquette en soit plus scādalizee, non, non, tel me void qui ne me cognoist pas: & si au reste encore que ie fasse le fol le plus souuent, si est-ce que i'ay dequoy mettre le cousteau sur table si bon me semble: Mon pere est vn peu plus sage que moy, Dieu mercy: car tandis que ie m'amuse à niaizer, semble-il au monde, il amasse des escus, le faux vilain qu'il est. C'est pourquoy réds toy capable de courtizer mes bonnes graces: car si tu fais cela, tu seras trop fort, quelque temps qui vienne tu auras tousiours le museau gras & le visage rubicond. N'aye doncques plus mal à la teste des affaires de ce temps, & ie te prie de ne t'en leuer plus matin d'oresnauant. Toutesfois si le Soleil te

prouoque à la diligence desormais, que ce ne soit plus que pour m'obeyr & me seruir. Adieu pour ceste heure iusques au reuoir, attendant quoy, ie te recommande de songer à moy en toute reuerence & humilité, & de faire desfoiiller tes vieilles pistoles si tu en as: Bois du matin & ne songe plus à l'Almanac: Adieu, bon soir & bonne nuit.

## AVX CVRIEVX.

*Pierre du Puis n'est pas seul en folie,  
Ny tous les fols ne sont Pierre du Puis,  
Car tel est fol qui n'a pas l'industrie  
Ainsi qu'il a de donner des aduis.*



